

**ხელშეკრულება**  
**სახელმწიფო შესყიდვების შესახებ N 01-03-04**

ქ. თბილისი

17 იანვარი 2019 წელი

**შემსყიდველი:** სსიპ – მასწავლებელთა პროფესიული განვითარების ეროვნული ცენტრი, წარმოდგენილი ცენტრის დირექტორის ბერიკა შუკაკიძის სახით;  
მისამართი: ქ. თბილისი, გმირი კურსანტების ქ. №4;  
საიდენტიფიკაციო კოდი: 202374251;  
საბანკო რეკვიზიტები: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650 22.

**მიმწოდებელი:** შპს „ჯეონეთი“, წარმოდგენილი მისი დირექტორის მინდობილი პირის ია ლასურაშვილის სახით;  
იურიდიული მისამართი: ქ. თბილისი, ნუცუბიძის ქ. N 171;  
ფაქტიური მისამართი: ქ. თბილისი, ვაჟა-ფშაველას გამზირი N 41;  
საიდენტიფიკაციო კოდი: 204918321;  
საბანკო რეკვიზიტები: სს „საქართველოს ბანკი“, ბანკის კოდი: BAGAGE 22, ა/ა GE43BG0000000118402601.

ერთი მხრივ შემსყიდველი და მეორე მხრივ მიმწოდებელი, ჩატარებული ელექტრონული ტენდერის (სატენდერო განცხადების ნომერი N-NAT180020874) შედეგების გათვალისწინებით, დებენ წინამდებარე ხელშეკრულებას შემდეგზე:

**მუხლი 1. ხელშეკრულებაში გამოყენებულ ტერმინთა განმარტება**

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2. ვალდებულების არაჯეროვანი შესრულება – ვალდებულების ხელშეკრულების პირობებთან შეუსაბამოდ, არასრულად, უხარისხოდ შესრულება;
- 1.3. ხელშეკრულებით ნაკისრი ვალდებულების შესრულების ვადების გადაცდენა – მხარის მიერ ნაკისრი ვალდებულების ხელშეკრულებით განსაზღვრულ ვადაში შეუსრულებლობა.

**მუხლი 2. ხელშეკრულების საგანი**

ხელშეკრულების საგანია სსიპ - მასწავლებელთა პროფესიული განვითარების ეროვნული ცენტრისთვის კავშირგაბმულობის (ფიქსირებული სატელეფონო) მომსახურების (CPV 64200000 - სატელეკომუნიკაციო მომსახურებები) შესყიდვა დანართი N 1 -ში მოცემული ტექნიკური დავალების შესაბამისად.

**მუხლი 3. ხელშეკრულების ღირებულება**

- 3.1. შესასყიდი ობიექტის ფასი განისაზღვრება ეროვნულ ვალუტაში;



3.2. შესასყიდი მომსახურების საერთო ღირებულება (შემდგომში „ხელშეკრულების ღირებულება“) შეადგენს 2921.68 (ორიათასცხრასაცდაერთი ლარი და 68 თეთრი) ლარს დღგ-ს ჩათვლით;

3.3 ხელშეკრულებით გათვალისწინებული კავშირგაბმულობის (ფიქსირებული სატელეფონო) მომსახურების დასახელება, რაოდენობა და ერთეულის ფასი მოცემულია დანართი N 2-ში;

3.4 **დაფინანსების წყარო:** სსიპ – მასწავლებელთა პროფესიული განვითარების ეროვნული ცენტრის ასიგნებები.

#### **მუხლი 4. შესასყიდი ობიექტის ხარისხი**

4.1 მიმწოდებელი აცხადებს, რომ გაწეული მომსახურება იქნება უნაკლო;

4.2 მიმწოდებელი პასუხისმგებლობას კისრულობს, რომ გაწეული მომსახურება შეესაბამება საქართველოში მოქმედ სტანდარტებსა და ნორმებს.

#### **მუხლი 5. მომსახურების გაწევის ვადები და ადგილი**

5.1 მომსახურების გაწევა განხორციელდება ხელშეკრულების გაფორმებიდან 2019 წლის 31 დეკემბრის ჩათვლით;

5.2 მომსახურების გაწევის ადგილი: ქ. თბილისი, გმირი კურსანტების ქ. N 4.

#### **მუხლი 6. შესასყიდი ობიექტის მიღება-ჩაბარების წესი**

6.1 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე, რაც ადასტურებს მიმწოდებლის მიერ ნაკისრი ვალდებულებების შესრულებას;

6.2 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით;

6.3 მიღება-ჩაბარების აქტზე ხელმოწერის უფლებამოსილება ენიჭება სსიპ - მასწავლებელთა პროფესიული განვითარების ეროვნული ცენტრის ფინანსური და მატერიალური რესურსების სამსახურის შესყიდვების მენეჯერს ზურაბი ხეცურიანს ან მისი არყოფნის შემთხვევაში ფინანსური და მატერიალური რესურსების სამსახურის შესყიდვების ჯგუფის უფროსს ნიკო გიგოლაშვილს, მიღება-ჩაბარების აქტის გაფორმების საფუძველია ინსპექტირების განმახორციელებელი პირის დასკვნა.

#### **მუხლი 7. ანგარიშსწორება**

7.1 ანგარიშსწორება განხორციელდება მიღება-ჩაბარების (შესრულების) აქტის გაფორმებიდან არა უგვიანეს 10 (ათი) სამუშაო დღისა;

7.2 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;

7.3 საავანსო ანგარიშსწორება არ გამოიყენება.

#### **მუხლი 8. მხარეთა უფლება-მოვალეობანი**

8.1 შემსყიდველი ვალდებულია:

8.1.1 ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს გაწეული მომსახურების ღირებულება;



8.1.2 აუნაზღაუროს მიმწოდებელს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

## **8.2 შემსყიდველს უფლება აქვს:**

8.2.1 შეამოწმოს გაწეული მომსახურების შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

8.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

8.2.3 მოსთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

## **8.3 მიმწოდებელი ვალდებულია:**

8.3.1 დაიცვას ხელშეკრულებით გათვალისწინებული ყველა პირობა;

8.3.2 გაუწიოს შემსყიდველს ამ ხელშეკრულების მე-2 მუხლში აღნიშნული მომსახურება;

8.3.3 ხელშეკრულებით გათვალისწინებული მომსახურების გაწევისას აცნობოს შემსყიდველს ყველა განსაკუთრებული გარემოების შესახებ;

8.3.4 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით;

8.3.5 საკუთარი ხარჯებით გამოასწოროს გამოვლენილი ნაკლი;

8.3.6 წარუდგინოს შემსყიდველს გაწეულ მომსახურებასთან დაკავშირებული სრული დოკუმენტაცია.

## **8.4 მიმწოდებელს უფლება აქვს:**

8.4.1 წარუდგინოს შემსყიდველს ფაქტიურად გაწეულ მომსახურებასთან დაკავშირებული სრული დოკუმენტაცია, რომელსაც ხელი მოეწერება მიმწოდებლის მიერ შემსყიდველის მიერ ხარისხობრივი შემოწმების შემდეგ და მოითხოვოს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;

8.4.2 მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;

8.4.3 მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება.

## **მუხლი 9. ხელშეკრულების პირობების შეუსრულებლობა**

9.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტეხლო შეუსრულებელი ვალდებულების ღირებულების 0.5 % -ის ოდენობით;

9.2. მიმწოდებლის მიერ ხელშეკრულების არაჯეროვანი შესრულების შემთხვევაში მხარეს ეკისრება პირგასამტეხლო ხელშეკრულების ღირებულების 10 (ათი) % -ის ოდენობით;

9.3. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური მოცულობა გადააჭარბებს ხელშეკრულების საერთო ღირებულების 5 (ხუთი)%-ს, შემსყიდველს უფლება აქვს ცალმხრივად შეწყვიტოს ხელშეკრულება;

9.4. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.



## **მუხლი 10. ხელშეკრულების ინსპექტირების პირობები**

10.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი მიმწოდებლის მიერ ნაკისრი ვალდებულებების შესრულებაზე და განახორციელონ მომსახურების ხარისხის პერიოდული ინსპექტირება;

10.2 მიმწოდებელი ვალდებულია საკუთარი რესურსებით უზრუნველყოს შემსყიდველის მიერ ინსპექტირების ჩატარებისათვის ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი;

10.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;

10.4 ხელშეკრულებით განსაზღვრული პირობების კონტროლს განახორციელებს სსიპ - მასწავლებელთა პროფესიული განვითარების ეროვნული ცენტრის ადმინისტრაციული უზრუნველყოფის სამსახურის საინფორმაციო ტექნოლოგიების სპეციალისტი ლაშა ბუტიკაშვილი ან მისი არყოფნის პერიოდში ადმინისტრაციული უზრუნველყოფის სამსახურის სხვა თანამშრომელი, რომელიც წერს დასკვნას ხელშეკრულების პირობებთან შესყიდვის საგნის შესაბამისობის შესახებ.

## **მუხლი 11. ხელშეკრულების შეწყვეტა**

11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი.

11.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

11.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

11.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2 მიმწოდებლის გაკოტრების შემთხვევაში;

11.4.3 საქართველოს კანონმდებლობით გათვალისწინებულ სხვა შემთხვევებში.

11.5 ამ მუხლის 11.4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

## **მუხლი 12. ხელშეკრულების პირობების გადასინჯვა**

12.1 მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;

12.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;



12.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული წესით გათვალისწინებული შემთხვევებისა;

12.4 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩათვლება ხელშეკრულების განუყოფელ ნაწილად.

### **მუხლი 13. ფორსმაჟორი.**

13.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა;

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებები შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

### **მუხლი 14. ხელშეკრულების მოქმედების ვადა**

ხელშეკრულების მოქმედების ვადა განისაზღვრება ხელშეკრულების ხელმოწერის დღიდან და ძალაშია 2020 წლის 15 თებერვლის ჩათვლით.

### **მუხლი 15. დავები და მათი გადაწყვეტის წესი**

15.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;

15.2 თუ შემსყიდველი და მიმწოდებელი მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

### **მუხლი 16. სხვა პირობები**

16.1 ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით;



- 16.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;
- 16.3 მესამე პირთან (პირებთან) ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 16.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;
- 16.5 წინამდებარე ხელშეკრულება არ შეიცავს არანაირ სიტყვიერ დამატებას;
- 16.6 დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად;
- 16.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;
- 16.8 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;
- 16.9 ხელშეკრულება შედგენილია ელექტრონულად, მხარეების მიერ გამოყენებულია ელექტრონული ხელისმოწერა და შტამპი;
- 16.10 გამარჯვებული პრეტენდენტის სატენდერო წინადადება და დანართები თან ერთვის წინამდებარე ხელშეკრულებას და წარმოადგენს მის შემადგენელ ნაწილს;
- 16.11 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

### მუხლი 17. მხარეთა ხელმოწერები

**„შემსყიდველი“**

სსიპ - მასწავლებელთა პროფესიული

განვითარების ეროვნული ცენტრი



**ბერიკა შუკაკიძე**

დირექტორი

**„მიმწოდებელი“**

შპს „ჯეონეთი“

**ია ლასურაშვილი**

დირექტორის მინდობილი პირი



- 1) საქართველოს კომუნიკაციების ეროვნული კომისიის მიერ განსაზღვრული პარამეტრებით ხარისხიანი სატელეფონო კავშირის უზრუნველყოფა;
- 2)პრეტენდენტი უზრუნველყოფს ადგილობრივ, საქალაქთაშორისო, საერთაშორისო და მობილურ ოპერატორებთან სატელეფონო მომსახურებას წამობრივი დამრგვალებით;
- 3) პერსონალური მენეჯერის კონსულტაცია და ტექნიკური სპეციალისტების დახმარება 24-საათიან (24/7) რეჟიმში;
- 4) ყოველთვიურად წარმოადგინოს გაწეული მომსახურების შესახებ ანგარიში, ბილინგის ფორმატი – Microsoft Excel ან Adobe Acrobat;
- 5) მოთხოვნის შემთხვევაში კანონით განსაზღვრული ინფორმაციის მიწოდება მომსახურების შესახებ. ასევე შემსყიდველის სატელეფონო ნომრებიდან განხორციელებული, მიღებული და გაცემული ინფორმაცია, რომელიც უნდა ინახებოდეს მიმწოდებლის ბაზაში;
- 6) დავალიანების შესახებ ინფორმაციის მოწოდება;
- 7) პრეტენდენტის მიერ საერთაშორისო და მობილურ ოპერატორებთან ზარების განსახორციელებლად შემოთავაზებული უნდა იქნეს კოდი/ინდექსი. შესაბამისად, ტელეფონის ნომრებზე შეზღუდული უნდა იყოს სხვა კოდით/ინდექსით საერთაშორისო ზარების განხორციელება;
- 8) შემსყიდველის ნომრებზე სხვა კომპანიების დავალიანების არსებობის შემთხვევაში, ტელეფონ(ებ)ზე გამავალი და შემომავალი ზარების შეზღუდვა არ განიხილება.
- 9) ტელეფონის ნომრებზე შეზღუდული უნდა იყოს საინფორმაციო ზარები (11109, 11108). აღნიშნული სერვისის ჩართული იქნება ცალკეულ ნომრებზე შემსყიდველის მოთხოვნის შესაბამისად;
- 10) ურთიერთჩართვა შესაძლებელი უნდა იყოს SIP 2.0 პროტოკოლით, SIP Trunk მექანიზმით, როგორც IP ასევე SIP Authentication აუთენტიფიკაციით;
- 11) საჭიროების შემთხვევაში შესაძლებელი უნდა იყოს ახალი ნომრების უსასყიდლოდ გამოყოფა. შესაბამისად, მასზე (ახალ გამოყოფილ ნომრებზე) უნდა გავრცელდეს შემოთავაზებული ფასები;
- 12) სატელეფონო კავშირის უზრუნველყოფა უნდა მოხდეს SIP ტექნოლოგიით, არანაკლებ 6 ერთდროული არხით;
- 13) პრეტენდენტმა უნდა უზრუნველყოს 2 სატელეფონო ნომრის გამოყოფა (არსებული ნომრების შენარჩუნება);
- 14) საქალაქთაშორისო სატელეფონო კავშირი და თბილისის ნომრებზე კავშირი პრეტენდენტის ფიქსირებულ სატელეფონო ქსელში უნდა იყოს უფასო;
- 15)სატელეკომუნიკაციო მომსახურება პრეტენდენტის მხრიდან უნდა გაანხორციელდეს ხელშეკრულების გაფორმებიდან 2019 წლის 31 დეკემბრის ჩათვლით.

**მხარეთა ხელმოწერები**

**„შემსყიდველი“**

**„მიმწოდებელი“**

სსიპ - მასწავლებელთა პროფესიული

შპს „ჯეონეთი“

განვითარების ეროვნული ცენტრი



**ბერიკა შუკაკიძე**

**დირექტორი**

**ია ლასურაშვილი**

**დირექტორის მინდობილი პირი**



დანართი N 2

მომსახურების აღწერა	განზომილების ერთეული	რაოდენობა	ღირებულება	მთლიანი ღირებულება
ერთდროული არხების რაოდენობა	არხი	6	0	0.00
სატელეფონო ნომერი	ნომერი	2	0	0.00
ადგილობრივი და საქალაქთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) მიმწოდებლის ქსელის შიდა ნომრებზე, მათ შორის ფიქსირებულ და უკაბელო ტელეფონის აბონენტებთან	წთ	უღირებულო	0	0.00
ადგილობრივი სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) სხვა ქსელის შიდა ნომრებზე, მათ შორის ფიქსირებულ და უკაბელო ტელეფონის აბონენტებთან	წთ	105000	0.025	2625.00
საქალაქთაშორისო სატელეფონო საუბარი (როგორც ფიქსირებული, ისე უკაბელო ტელეფონის ნომრიდან) სხვა ქსელის შიდა ნომრებზე, მათ შორის ფიქსირებულ და უკაბელო ტელეფონის აბონენტებთან	წთ	5000	0.025	125.00
სატელეფონო საუბარი საქართველოს მობილურ ოპერატორებთან	წთ	5000	0.030	150.00
საერთაშორისო სატელეფონო საუბარი ამერიკის კონტინენტზე (ფიქსირებულ სატელეფონო ნომრებზე)	წთ	50	0.050	2.50
საერთაშორისო სატელეფონო საუბარი ამერიკის კონტინენტზე (მობილურ ოპერატორებთან)	წთ	50	0.050	2.50
საერთაშორისო სატელეფონო საუბარი ევროპის კონტინენტზე (ფიქსირებულ სატელეფონო ნომრებზე)	წთ	50	0.050	2.50
საერთაშორისო სატელეფონო საუბარი ევროპის კონტინენტზე (მობილურ ოპერატორებთან)	წთ	50	0.050	2.50
საერთაშორისო სატელეფონო საუბარი აზიის კონტინენტზე (ფიქსირებულ სატელეფონო ნომრებზე)	წთ	50	0.050	2.50



საერთაშორისო სატელეფონო საუბარი აზიის კონტინენტზე (მობილურ ოპერატორებთან)	წთ	50	0.050	2.50
საერთაშორისო სატელეფონო საუბარი აფრიკის კონტინენტზე (ფიქსირებულ სატელეფონო ნომრებზე)	წთ	20	0.050	1.00
საერთაშორისო სატელეფონო საუბარი აფრიკის კონტინენტზე (მობილურ ოპერატორებთან)	წთ	20	0.034	0.68
საერთაშორისო სატელეფონო საუბარი ავსტრალიის კონტინენტზე (ფიქსირებულ სატელეფონო ნომრებზე)	წთ	50	0.050	2.50
საერთაშორისო სატელეფონო საუბარი ავსტრალიის კონტინენტზე (მობილურ ოპერატორებთან)	წთ	50	0.050	2.50
<b>ჯამი დღე-ის ჩათვლით</b>				<b>2921.68</b>

**მხარეთა ხელმოწერები**

**„შემსყიდველი“**

სსიპ - მასწავლებელთა პროფესიული განვითარების ეროვნული ცენტრი



**„მიმწოდებელი“**

შპს „ჯეონეთი“

**ია ლასურაშვილი**


დირექტორის მინდობილი პირი



ჩვენ ქვემოთ ხელისმომწერნი, ინტერესთა კონფლიქტის თავიდან აცილების მიზნით, გავვეცანით „სახელმწიფო შესყიდვების შესახებ“ საქართველოს კანონის მე-8 მუხლს ინტერესთა კონფლიქტის თავიდან აცილების პირობები და წესები) და ხელისმომწერით ვადასტურებთ, რომ მიმწოდებლის მიმართ (შპს „ჯეონეთი“) არ ვიმყოფებით ინტერესთა კონფლიქტში.

სსიპ - მასწავლებელთა პროფესიული განვითარების ეროვნული ცენტრის

დირექტორი



/ზვიადა შუკაკიძე/

სსიპ - მასწავლებელთა პროფესიული განვითარების ეროვნული ცენტრის

ფინანსური და მატერიალური რესურსების სამსახურის შესყიდვების

ჯგუფის უფროსი




/ნიკო გიგოლაშვილი/

სსიპ - მასწავლებელთა პროფესიული განვითარების ეროვნული ცენტრის

ფინანსური და მატერიალური რესურსების სამსახურის შესყიდვების

მენეჯერი




/ზურაბი ხვეჯურიანი/

**ვიზირება:**

სსიპ - მასწავლებელთა პროფესიული განვითარების ეროვნული ცენტრის

დირექტორის მოადგილე




/დავით ხვედელიძე/

სსიპ - მასწავლებელთა პროფესიული განვითარების ეროვნული ცენტრის

ფინანსური და მატერიალური რესურსების სამსახურის

უფროსი




/ია მჭებისაური/

სსიპ - მასწავლებელთა პროფესიული განვითარების ეროვნული ცენტრის

ფინანსური და მატერიალური რესურსების სამსახურის

ბუღალტერი




/ირმა თირქია/

**შემსრულებელი**

სსიპ - მასწავლებელთა პროფესიული განვითარების ეროვნული ცენტრის ფინანსური და მატერიალური

რესურსების სამსახურის შესყიდვების სპეციალისტი



/ირინე სადრაძე/